



## Tekolo ya Dipholisi tsa Burulanganyi



Mabapi le Dipholisi

## Ketapele

SABC e gare e lekola Dipholisi tsa bjale tša Borulaganyi tša lekgotlakgašo. Batheeletši le bašomi ke bakgathatema bagolo ba SABC gomme pukwana ye e hlamilwe gore e kgonagatše botšeakarolo bja bona mo lenaneong. Pukwana ye e fa kakaretšo ya Dipholisi tša bjale tša Borulaganyi ka mokgwa wa Potššo-le-Karabo le gona go hlaola dinttha tše dingwe tša poledišano tša lenaneo la tekolo. Maikemišetšo a dintlha tše tša poledišano ga se go thibela botšeakgang, gomme dikabelo/dintlha ka ga makala ka moka a pholisi a amogelwa.

Dipholisi ka bottlalo tša borulaganyi di gona websaeteng ya SABC, sabc.co.za, goba ofising efe goba efe ya SABC.

## **Matseno**

**P:** Ke ka lebaka la eng SABC e e nale Dipholisi tša Borulaganyi?

Go ya ka Karolo 6(5) ya Molao wa Kgašo (bjalo ka ge o fetotšwe) SABC e gapeletšwa go tla ka dipholisi tše maikemišetšo a tšona e lego go netefatša gore e obamela Molao wa Maitshwaro wa ICASA mabaka a laesense ya Lekgotlakgašo le Dikabo tša Molao o. Dipholisi tše di swanelo go tsenyagare pholisi ya borulaganyi ya ditaba, le dipholisi ka ga mananeo, dikagare tša selegae, thuto, tirelo le phihlelelo ya gohlegohle, palelo le sedumedi.

**P:** Na maikemišetšo a Dipholisi tša Borulaganyi ke a fe?

Maikemišetšo a dipholisi tše ke go thuša barulaganyi go rerisana ka ga diphetho tše boima tša borulaganyi gore mananeo ao a tšwelelagoo ebole a gapeletšago - ka dinako tše dingwe a lego ao a sego a hlaka gabotse, a dirwe, eupša go hlakometšwe maemo a godimo a maitshwaro le a borulaganyi. Ka tshwanelo, dipholisi di aba tlhako yeo go yona bašomedi ba SABC ba tšeago diphetho ka ga dikagare tše di lego mananeong a rena.

**P:** Na dipholisi tše di ama fela ditirelo tša radio le thelebišene?

Aowa, dipholisi tše di tswalana le dikagare ka moka tša SABC, le go ditirelo tša batheeletši/babogi ba bosetšhaba le ba boditšhaba. Di ama ditirelo ka moka go sa lebelelwé gore di gašwa radiong goba thelebišeneng, inthaneteng, ka tirelo ya melaetša ye mekopana (SMS) goba ka megala ya seatleng tše di tšweleletšwago ke kgoro ya SABC goba khampani yeo e ikemego.

**P:** Na Dipholisi tša Borulaganyi di bolela ka eng le gona ka lebaka la eng?

Molao wa Kgašo wa 1999 (bjalo ka ge o fetotšwe) o nyaka gore SABC e tšweleletše tše di latelago:

- i. Pholisi ya borulaganyi ya ditaba
- ii. Pholisi ya peakanyo ya mananeo

- iii. Pholisi ya mananeo a selegae
- iv. Pholisi ya tša thuto
- v. Pholisi ya ditirelo le phihlelelo ya gohlegohle
- vi. Pholisi ya tša maleme le
- vii. Pholisi ya tša sedumedi

SABC e gaethile go akaretša tše di lego ka mo godimo ka moka ka gare ga Dipholisi tša yona tša Borulaganyi. Go feta fao, go na le gape karolo yeo e hlalosago Taolelo ya Kgašo, yeo e akaretšago Maitshwaro a Motheo a Borualagnyi a SABC, Molao wa Borulaganyi le Tšhupetšo yeo e Tlhatlogago ya Borulaganyi.

Godimo ga fao, dipholisi tša borulaganyi di file taolelo ya gore dipholisi tše di šomago ka ditaba tše itšeng bjalo ka ge di tšweleletše, ge go lebeletšwe pholisi ye. Ditaba le Ditaba tša Bjale di tšweleeditše dipholisi tša koketšo tše di latelago tše di dumeletšwego ke Boto ya SABC:

- Dihlahli tša pholisi go tšhomis̄o ya baswayi le basekaseki
- Pholisi yeo e akaretšago dipoloko tša semmušo
- Pholisi ya kakaretšo ya tekatekano nakong ya dikgetho tša bosetšhaba.

## P: Ke ka lebaka la eng SABC e lekola Dipholisi tša yona tša Borulaganyi

Dipholisi tša Borulaganyi di bolela gore dipholisi di swanetše go lekolwa kgafetšakgafetša. Godimo ga mo, go tloga nakong ya ge Dipholisi tša Borulaganyi ka 2004, tikologo ya kgašo e fetile diphetogong tše mmalwa tše di amago ka tsela yeo diphetlo tša kgašo di dirwago ka gona - gomme se se na le ditlamorago go dipholisi tša borulaganyi gomme tekolo e swanetše go netefatša gore Dipholisi tša Borulaganyi di tšweleletša ditšwetšopele tše, le ge e le gore di sa ntšane di abela bašomedi tikologo yeo e ba kgontšhago go fihlelela taolelo ya Kgašo ya Setšhaba.

## P: Na tekolo e sepetšwa bjang?

Dipholisi tše ebile dipolo tša dikgwedi tše ntši tša ditherišano; tekolo ye e tla latela lenaneo la go swana le leo - ka ditherišano tše di tseneletšego le bašomedi ba SABC le maloko a setšhaba. Ditheeletšo tša setšhaba di tla dirwa diprofenseng ka moka gomme batheeletši/babogi le bona ba tla

fiwa menyetla ya go tsea karolo mananeong a radio, thelebišene le go šomiša kgašo a tsenelelano go swana le facebook le websaete ya SABC. Boitemogelo bja SABC le dipholisi tsa borulaganyi tsa bjale le tsona di tla hlakela tekolo go no swana le dithuto go tswa go dikgašo tše dingwe tsa setšhaba, tseo bontši bja tsona bo nago le dipholisi tsa Borulagagnyi goba Dihlahli.

### Tekolo: Dintlha tše dingwe ka kakaretšo

#### Tiragatšo

Nakong ya ditherišano tsa mathomo tsa tekolo, go bile le ditlhobaelo ka ga tiragatšo ye e sa felego ya Dipholisi tsa Borulaganyi ka go SABC. Go ya le ka se, go tloga go le bohlokwa go tsentšha melawana ye itšego ka gare ga dipholisi tsa borulaganyi go netefatša gore di a obamelwa le gona go diragatšwa ka kgašong ka bophara.

#### Sekhwama sa papatšo/Kganetšo ya kgašo ya setšhaba:

SABC , go se swane le dikgašo tše dingwe tsa setšhaba e hwetša bontši bja tšelete ya yona go tswa tikologong ya papatšo - kudukudu go ditiro tsa dipapatšo tsa setšo. Se se bolela gore SABC e ikhwetša e lebagane le dihlolho mabokgoning a yona a go aba taolelo kgašo ya setšhaba gomme tše dintši tsa dihlolho tše di ama lenaneo la tseo ya sephetho ya borulaganyi. Dipholisi tsa Borulaganyi ga di bolele selo ka ga taolo ya dithulano tseo di ka tswelalago ka lebaka la go direla bobedi taelelo ya papatšo le setšhaba

- na go na le ka tsela yeo dipholisi di ka dirago se?

#### Ditšwetšopele tsa setegeniki:

Batheeletši/babogi ba bohlokwa – bao ba lebanego le ditšwetšopele tsa setegeniki go ya le ka dipholisi tsa borulaganyi ke:

- Go tswelalala ga (le go tswela pele ga kgolo) ya kgašo ya tsa bosošiale
- Phetogo ye e lego gona go tloga go kgašo ya analog go ya go ya ditšitale.Diblogo, dimicroblog, dikgašo tsa setšhaba le dineteweke tsa kgašo tseo Dipholisi tsa Borulaganyi di tshwenyegago kudu ka tsona, gomme, le ka gare ga tsona, go na le mafelo a mane ao a nyakago tlhokomelo go ya le ka tekolo ya Borulaganyi.

## Tekolo:

- Tshomiso ya disaete tsa kgaso bjalo ka methopo ya tshedimoso, kudukudu ka tikologong ya ditaba.  
Ye ke taba ye e ka lebeledisiswago kudu ka go Ditaba le Ditaba tsa Bjale. Karolo ya Dipholisi tsa Borulaganyi
- Tshomiso ya dineteweke tsa kgaso ya bososiale ka basomedi ba SABC maemomg a bona bjalo ka basomi. Go tla swanelwa ke go hwetswa phapano ya tshedimoso magareng ga maloko a basomedi bao maemo a bona a tswalanywagothwii le SABC le bao ba sego ba tswalanathwii le yona.
- Tshomiso ya dipolatefomo go tswetsapele disaete tsa kgaso ya babolelwaa (third party) le yona e nyaka tekolo.
- Taolo ya dikagare tseo di hlagisitswego ke basomisi o swana le diswayoswayo tsa ka fase ga mothalo maphepheng a webe a blog-style.

Le ge e le gore ga se ra hlwa re fihlelwa ke khuetso ya Digital Terrestrial Television (DTT), se se ttle go ba le khuetso ye kgolo go dikagare tsa thelebisene isago. Katoloso ya bogolo bja lebelo leo le tla dumelelago gore go be le kgaso ya dikanale tse ntsi - go tla swanelwa ke go dirwa tekolo go bona ge eba tshutiso ye ye kgolo e tla ba le khuetso go Dipholisi tsa Borulaganyi. Go tsenya tirisong ga DTT kgauswinyana go tla dira gore go dirwe tekolo ya melao ge go songwa ka tsona dipholisi tse.

## Dipholisi tša bjale: Taolelo

P: Na maitshwaro a motheo a borulaganyi a SABC ke afe?

Go lekalekana - SABC e abela batho ka moka mananeo a yona, ka maleme ka moka a semolaq, le gona e tšweletša pele phihlelogohle ya ditirelo tša yona.

Baikemo bja borulaganyi - SABC e laolwa ke Tšata ya Kgašo, yeo e bolelago ka ga go ikema ga mananeo a babegakgang bjo bo mpshafatšago bja bašomedi ba kgašo le yona tokologo ya go ntšha maikutlo yeo e šireletšwago ke molaotheo wa Afrika Borwa expression.

Kago ya setšhaba - SABC e keteka boitšupo le setšo sa Afrika Borwa, gomme e fa batheeletši/babogi ba yona ka tshedimošo yeo ba e nyakago go ka kgoni go tšeа karolo kagong ya temokrasi ya rena.

Pharologanya - SABC e laetša maleme a go fapani, ditša, diprofense le batho ba go

fapano ka go mananeo a yona.

Seriti sa Botho - SABC e hlompha seriti sa maAfrika Borwa ka moka, gomme e laetša se ka go dipharologanyo tša ona ka moka, gomme ga e šomiše polelo goba diswantšho tše di laetšago dikgopoloo tša bohlakoretee goba tša go kgetholla tša bomorafe, ditšo le bong tša Afrika Borwa.

Maikarabelo - Ka go diragatša mešomo ya bona ya borulaganyi, bataolo ya SABC gammogo le bašomedi ba na le maikarabelo go Boto ya SABC yeo e filwego maikarabelo a go netefatša gore lekgotlakgašo le obamela Tšhata (Charter).

Ntšhetšonyanyeng - SABC e netefatša gore ditheo tša potego, pulego le ntšhetšonyanyeng ke tšona di laolago mahlakore ka moka a setswalle sa yona le baswarakabelo, bakgathatema, batlišathoto le setšhaba.

### P: Ke ka lebaka la eng re nyaka maitshwaro a motheo a borulaganyi

Maitshwaro, ao a theilwego godimo ga ao a bolelwago ke Molaotheo - a akaretsa tšwetšopele ya setšhaba, botee, go se swane, bohloka kgethologanyo, go se kgethologanye ka bong, temokrasi le seriti sa botho - di emela dilo tše maAfrika Borwa a di bonago bjalo ka tše bohlokwa.

Di thiba dikgoba tša sepolotiki, legoro, dikarologano tša semorafe le bong; le ge e le gore re sa le mathomong a protšeke ya rena ya tšwetšopele ya setšhaba, tše ke tšona tše di re swaraganyago bjalo ka setšhaba. Ka gona, bobegakgang bja setšhaba bo swanelwa ke bopa methopo ya dipholisi tša bjona tša borulaganyi.

### Tekolo: Maitshwaro a Borulaganyi

- Na maitshwaro a e sa le a maleba go bobegakgang bja setšhaba mabapi le mmuso wo o hlabolagago?
- Na go na le maitshwaro ao a tlogetswego; na maitshwaro ao a lego gona gabjale a swanetse a phumolwe goba ka fao a somiswago ka gone go fetoswe?
- Godimo ga dintlha tseo go boletswego ka tsona ka mo godimo, go na le gape tlhokego ya gore ditheo tse di otlollwe gomme di diragatswe.

### P: Na Molao wa Borulaganyi ke ofe?

Molao wa Borulaganyi o hlamilwe ke Boto ya SABC ka 1993 gomme o ile wa

fetolwa gore o kgone go bopa karolo ya Dipholisi tša Borulaganyi ka 2003. Molao o o tšweletše go tšwa go Maitshwaro a Motheo gomme ge o fetošwa ka 2003, o ile wa lebelela ditšwelopele tše di lego gona ka molaong. Bjale ka ge o le ka gona ka se sebaka, Molao wa Borulaganyi o na le ditemana tše lesomehlano, gomme tše seswai di bolela fela ka ga Ditaba le Ditaba tša Bjale, gomme tše selelago di bolela ka ditšenre ka moka gomme tše pedi tšona di bolela fela ka mananeo. Ditaba tše di ahlaahlilwego ka go Molao le tšona go šongwa ka tšona ka go dikarolo tša maleba tša Dipholisi tša Borulaganyi.

### P: Na "Tšupetšo ye e lebago godimo" e ra goreng?

Tšupetšo ye e yago godimo e ra lenaneo la boithaopo le go lona bašomi ba borulaganyi ba boledišanago le baloodi/bahlokemedi ba bona ka ga diphetho tša borulaganyi tše ba se nago bonneta bja tšona. Ge go ka direga gore go tšwelele mathata nakong ya tšweletše ya lenaneo le/goba taolo ya borulaganyi, goba motšweletši wa lenaneo goba morulaganyi wa mananeo a se be le mnene ya se sengwe, ba swanetše ba tsebiše mohlokemedi wa bona gore a ba hlahle. Lenaneo le la tšupetšo ya godimo le fihla le go Molaodi Mogolo wa Sehlopha sa Khuduthamaga, maatleng a gagwe bjalo ka morulaganyi mogolo. SABC e bona tšupetšo ya godimo bjalo ka mokgwa wa go matlatatša, go ruta le go hlabbolla go bao ba amegago ka moka. Maikemišetšo a tšupetšo ye ga se go šutiša tše ya sephetho ya borulaganyi go ya godimo, eupša maikemišetšo a yona, ge go nyakega, ke go thekga botšeakarolo le maikarabelo a mohlakanelwa a borulaganyi – kudukudu ge hlakanwa le diphetho tše boima - le go phagamiša tsenelanyo ye e botegago kgašo le ya bašomedi ba borulaganyi ba kgašo. Maikemišetšo a tšupetšo ya godimo ga se kganetše ya tšweletše le kgašo ya mananeo ao a sa hlakago le a kgapeletše; eupša ke go hlama le go swaya mananeo ao go dutšwe go hlokometše maemo a godimo a maitshwaro a borulaganyi.

### P: Na go nale ditaba tše di swanetše di šupelwe godimo?

Go na le ditaba tše dingwe tše e lego gore ge di šomilwe ke barulaganyi di swanetše di šupetšwe godimo. Ditaba tša go swan le tše di akareta dipoledišano le dikebekwa goba batho bao ba nyakwago ke maphodisa,

gammogo le go bontšha batho ka sebele kgašong maikešetšo e le go thabiša go šomišwa dikhamera/ditšeadišwantšho tše di utilwego. Go na le mabaka a lesomenne ao a ngwadilwego ka go tokomane ya Dipholisi tša Borulaganyi ao a gapeletšegago gore a išwe godimo.

### Tekolo: Molao wa Borulaganyi & Tšhupetšo ya godimo

- Go bohlkwa go hhalosa gore tshupetšo ya godimo e swanetse e dirwe neng, ge e le gore go bjalo, na lenaneo leo le hhaloswego ka go Dipholisi tsa Borulaganyi le sa le maleba goba go na le dintlha tseo di swanetsego go oketswa goba go tloswa lenaneong leo?
- Na go maleba gore Molaodi Mogolo wa Sehlopha e be Morulaganyi Mogolo, ge go se bjalo, gona ke mang yo a rwelego maikarabelo a a dikagare tsa borulaganyi gomme seo se dirwa bjang?

### Dipholisi tša bjale: Mananeo

P: Na ke dipholisi di fe le dinyakwa tša molao tše di laolago dikagare tša mananeo a SABC?

- Tshatha
- Maitshwaro a Motheo a Borulaganyi a SABC
- Molao wa Borulaganyi wa Tiragatso wa SABC
- Kgapeletšo ya SABC go dumelana le boemo bja intasteri. Molao wa Maitshwaro wa Bagasi, wo o laolwago ke BCCSA
- Kgapeletšo ya SABC go dumelana le mabaka le melawana ya laesense ya ICASA

P: A e kaba go na le ditheo tše dingwe tše di hlahlago mananeo a SABC?

Mokwa wo SABC e dirago mananeo a yona ka gona o hlahlwka ke ditheo tše di latelago:

- Mananeo a thekgwa ke maitshwaro a motheo a borulaganyi.  
Se se ama tšweletšo, go ngwalwa le theko ya mananeo ka moka a SABC.
- SABC e leka ka maatlha go aba tshedimošo ye e phatlaletšego, thuto le boithabišo ka go ditšegenre le dibopego tša go fapano, mo batho ba swanelwago ke hwetša sengwenyana sa boithabišo ka dinako tše dingwe.

- Bjalo ka mogashi wa setshaba wa bosetshaba, ke mošomo wa SABC go hloholeletša tswelopele ya tlhagišo ya SABC.  
Ka gona, e hlasiša bokgoni bja Afrika Borwa, e thekga setšo sa Afrika Borwa, ebole e ikemišetša go tšwetšapele mananeo ao a ipontšago gore ke a Afrika Borwa.
- Maikemišetšo a SABC ke go amantšha maphelo a maAfrika Borwa bjalo ka badudikakaretša, le gona go ba tlisetša mananeo a makaonekaone ao lefase le ka ba tlisetšago ona.
- Ge re lebelela histori ya rena, le gore Afrika Borwa ke karolo ya Afrika, SABC e bona bjalo ka maikarabelo a yona go leka go emela Afrika le dikanegelo tša Afrika ka go loka le ka go ya ka go fapanafapano.
- Tokologo ya go ntšha maikutlo e tloga e le botengteng bja mananeo a SABC.

**P: Na ke ka lebaka la eng re swanelwa ke go lemoša babogi ka ga dikagare tša mananeo?**

Peakanyo yeo e etšwego hloko le temošo ya maleba goba maele, go dira gore setshaba se kgone go ba le kgetho go seo ba ratago go se bona goba go se kwa. Tlwaetšo ya mohuta wo ga e šitiše SABC go dira mešomo ya yona ya borulaganyi le gatee, gomme e tišeletša setšo sa tlhompho ya tokologo, le yona tokelo ya go amogela le go fa tshedimošo.

**P: Na ke maswao afe a go fapana ao re a šomišago bjalo ka a temošo?**

Molao wa Maitshwaro a Bagaši o bolela gore re fe babogi/batheeleši maele ao a hlakilego gore ba kgone go tšea diphetlo ka ga seo ba nyakago go se bona goba go se kwa; goba go dumelela bana ba bona go se kwa goba go se bona. Tše di akaretša dišupo tša mengwaga(13, 16, 18), le maswao a dikagare - tšomiso ya maatla (V); thobalano ye elego pepeneneng (S); Lepono (N); polelo ye mpe, go akaretšwa le kgobošo (L); le kgethollo (P).

**P: Na ke ka lebaka la eng mananeo a go šoma ka ditaba tša batho ba bagolo a gašwa bošego?**

Nako ya phitolameetse ke (21:00 – 05:00). Ke nako yeo ka morago ga

yonago ka bontšhwago dilo tša batho ba bagolo mo thelebišeneng. Pele ga phatolameetse dilo tše di sego tša dumelwelwa go bonwa ke bana di ka se ke tša dumelwelwa. Nako ya phatolameetse e laolwa ke Molao wa Maitshwaro wa Bagaši gomme go roba molao go bewa leihlo le ntšhotšho ke BCCSA.

### P: Na go nale nako ya phatolameetse radiong?

Le ge e le gore Molao wa Maitshwaro a Bagaši o sa bolelethwii gore nako ya phatolameetse ya radio, SABC e ithekga ka setatamente sea se rego, ditishi ga di gaše dilo tše di sego tša swanela bana ka dinako tše ba ka bago ba lebeletše thelebišene/theeleditše radio ka yona. Go fa mohlala, ditishi di swanetše go lemoga gore bana ba ka be ba theeleditše radio ge ba eya le go boy a sekolong.

### P: Ke dira eng ge lenaneo le na le kgobošo?

Molao o bolela gore polelo ye mpe, go akaretsha le kgobošo le dilo tše dingwe tše sedumedi se sa di ratega, ga di a swanela go šomišwa ka mananeong ao a diretšwego bana. Go fetafao, le gore go se šomišwe polelo yeo e roganago goba e tshela molao pele ga nako ya phatolameetse thelebišeneng goba ka dinako tše dingwe ge bana ba bantši go letetšwe gore ba ka be ba lebeletše thelebišene goba ba theeleditše radio.

Pholisi ya SABC ya Mananeo e amogela gore le ge kgobošo e le karolo ya letšatši ka letšatši ya go ntšha maikutlo ebile e bontšhwagantši mo thelebišeneng, babogi ba bantši ga ba e rate. Ka gona, SABC e leka go šomiša temošo ya "L" kudu ge kgobošo e bontšhwagantši, e le ge e leka go fokotša tlalelo go babogi bao ba ka tshwenywago ke se.

Dihlahli tše di latelago tša BCCSA di swanetše di latelwe:

- Ge go etla go terama goba sengwalwa, ntle le ge mabaka a tloga a gapeletša, go šomiša leina la Morena ka lefeela go ka dirwa difiliming tša morago ga phatolameetse ka baraloki goba batho bao ba swantšhitšwego ka dikgašong, gomme se se swanetše se dirwe ge go šetše go filwe temošo ya polelo le kganetšo ya mengwaga ya maleba.

- ka dinako tša lapa mantšu a swanetše a tlošwe ka mo go ka kgonegago. Tšhomisago ya polelo ya maroga ga ya dumelwelwa.
- Moo bagaši ba šomišago polelo ya mohuta wo ka mokgwa wa thogano go babogi - le

ge e le gore ke ka morago ga phatolameetse – se se tla ra gore go bile le tshelo ya Molao.

### P: Na pholisi e reng ka ga karolo ya rena mabapi tšhomiošo ya polelo ka mananeong?

Mogaši wa setšhaba ke mothopo o bohlokwa wa tshedimošo le setšo, le gona a ka kcona go huetša maemo le maitshwaro ka tšhomiošo ya polelo. SABC e swanetše e boloke maemo a godimo a potego mabapi le tšhomiošo ya polelo. Dihlahli di ka tsela ye: • Go se šomiše polelo ka go no re ke polelo. • Go se šomiše kgobošo fela • ka go se iletše tšhomiošo ya polelo ye mpe ka mananeong eupša go e šomiša ge fela go e na le mabaka a go dira bjalo go lebeletšwe tswalano le kgonthe/potego. • Gore tšhomiošo ya polelo e hlokomele ka fao sedumedi se naganagoka gona mabapi le seo.

### P: Na pholisi ya SABC e reng mabapi le kgethollo ka lebaka la bogolofadi?

SABC e lemoga gore dihlopha tša bagolofadi gantši di ipona di lebelelewla fase, le gore ke maikarabelo a mogashi wa setšhaba go bona gore phihlelelo ka batho ba mohuta wo e tšweletšwa pele phihlelelo ya ditirelo le mananeo le gona go netefatša gore kemedi ya bagolofadi ka mananeong ke yeo e amogelegago. Ka gona, SABC e swara bagolofadi ka tlhompho mananeong a yona, ebole re ineela go tšweleletša ditlhagišo tša bogolofadi ka tsela yeo e sa tišeletšego ditaba tša go se kgahlise ka ga bagolofadi. Cape, re ineela go itemogela mekgwa yeo e ka go kaonafatša kabo ya ditirelo go bagolofadi. Mo go kgonegago, re phegelela go tsenya gare bagolofadi go maitekelo a go swana le a.

### P: Na SABC e dira eng mabapi le le go se hlohleletše ntwa kgahlano le basadi

Dipholisi tša Borulaganyi tša SABC di bolela gore dikagare tša mananeo a yona, ge a bapetšwa le dikagare, ga a hlohleletše ntwa kgahlano le basadi, go lebelela basadi bjalo ka batho bao e lego batšwasehlabelo bao ba sa dirego selo ka ntwa le tshotlo, nyefola basadi le go nyatša karolo ya bona setšhabeng, tšwetša pele kgethologanyo ya bong le go se lekalekane ga bong le gona go hlohleletša kgatelelo ya bong le ditebelelo tša ka thokong

ye tee tša go se re selo.

### P: Na ke neng mo go dumelšweng go ka bontšha ditiragalo tša dintwa thelebišeneng?

Molao wa Maitshwaro o tloga o beile dinyakwa tše di tiileng tša gore dintwa di ka bontšha neng goba tša se bontšhwe neng. Go thekga se, Pholisi ya Mananeo ya SABC e bolela gore ditiragalo tše di bontšhago diswantšho tša ntwa di ka bontšha ge fela di nyakelwa go laetša tshedimošo ya kgonthe goba kamano.

Ka gona, SABC e na le maikarabelo a go se dire mohuta ofe kapa ofe wa ntwa go bonala e ke o a kgahliša, goba go o tšweletša pele, le go o bontšha ge fela o thuša go hlalosa kanegelo, go hlagiša kwelobohloko, go hloholetša thuša, goba ge bontšha hlagišo ya ditiragalo tše di hlagilego ka nnete. Ge e le gore se se a šomišwa, babogi ba swanetše ba lemošwe ka se pele. Maikiemisetšo a SABC ga se go bona gore ke ntwa e kaakang yeo e ka kgotlelelwago, eupša go bona ge e ba go nyakega bonnyane bjo bo kaakang go ka fihlelala seo se nyakwago ntle ga go tšwa taolong ya borulaganyi.

### P: Na Pholisi ya Borulaganyi e šireletša tokelo ya tlhompho le sephiri?

Molao o nyaka kgašo ya elektroniki go ba le tlhokomelo ye kgolo le keleletšo go ditaba tša maphelelo a sephiri le mediro ya batho ya ka sephiring, le ge go swanetše go hlokomelwe gore tokelo ya sephiri e ka phapšwa ke kgahlegelo yeo e lego ya nnete ya setšhaba. SABC e nyaka gore dikgetho tša mohuta wo di tšewe go lebeletšwe maitshwaro a Lekgotlakgašo.

### P: ke mang yo a tšeago sephetho sa gore bana ba bone eng le gore ba kwe eng?

Bagaši ga ba swanela go bontšha dilo tše di sego tša lokela bana ka dinako tše ba tsebago gore bana ba ka ba ba lebeletše/theeeditše ka bontši. Le ge go le bjalo, ke maikarabelo a batswadi go tše diphetlo tša gore bana ba bona ba bona ba ka bogela eng goba ba se bogele eng, segolo ke ge rena re ka netefatša gore re lemoša batswadi ka se gore bona

ba kgone go tšea sephetho.

**P: Ke kwele gore go sensara filimi ga go moalang. Na e ka ba se ke nnete, gape SABC e šoma bjang ka taba ye?**

Go sensara bjalo ka ge go bile gona mehleng ya kgale, mo go bego go hlokomelwa fela dikgahlegelo tša batho ba go se be ba bantsi, ga go sa dumelwelwa ketikologo ya Molaotheo wo mofsa wa Afrika Borwa mo go lego dikganešo fela tša go tlala seatla tša tokologo ya go ntšha maikutlo. Gore batho ba dumelwelwe go ka itšeela diphetlo tša bona, go swanetše go bontšhwé ditemošo gore bona ba kgone go ikgethela. Ka gona, go ka matsogong a mang le mang go ka kgetha gore o nyaka go lebelela eng le gona go bea taalong gore bana ba ka bogela eng.

**P: Na re šogana bjang le dingongorego tše di dirwago ke setšhaba ka ga kgašo ya ren?**

Dingongorego tše di tšwago go maloko a setšhaba tše di amogelwago ke SABC gomme di amana le ditaba tša pholisi goba go se obamele Molao, di šogwa ke ofisi ya Molaodi: Ditumelelo tša Kgašo. Ge dingongorego tša mohuta wo di amogelwa ke dikanale goba ditishi, goba ka lefapheng lefe kapa lefe, di swanetše di romelwe ofising yeo ntle go senya nako. Ke pholisi ya SABC go šogana le dingongorego tša mohuta wo. Phetolo e ka dirwa ka go rišana le ba taolo, goba ya botšwa ba taolo ya kandale/setishi seo se amegago, goba hlogo ya maleba ya Ditaba tša SABC. Ditirole di a nyakega gore go kgone go tšewa maikarabelo ka ga dingongorego tše di lego gona mabapi le ditirelo.

**P: Na SABC e na le taolo ya gore go ka tsebišwa (rekišwa) eng ditirelong tša yona?**

Ee, go fihla moo SABC e dumelelanago le melao yeo e laetšwego ke Advertising Standards Authority of South Africa. Lefapha la Dithekišo le Mmaraka le yona e nale tokelo ya go amogela goba go gana dipapatišo tše le bonago e ke ga di dikgahlegelong tša setšhaba goba tše di lego kgahlano le Dipholisi tša Borulaganyi tša SABC.

## P: Na dihlahli ke dife ka go ditaba tša go akaretša (stereotyping)

Re ikemišetša go tsenya gare mananeong a rena dihlagiši tše di sa akaretšego tša bagolofadi, basadi, bathobaso, le batho ba bong bja go swana, gammogo le moAfrika Borwa ofe kapa ofe o a ilego a lebelelelwā fase ke kgašo ya kakaretšo, goba go akaretšwa ka mokgwa wa go se kgahliše.

Pholisi ya SABC e ka tsela ye: 1. Go fa leloko le lengwe le le lengwe la setšhaba tlhompho 2. Go se šupe batho ka gore ke ba ba mohlobo mang, le gona go bolela ka mmala ge fela go le maleba gore go ka bolelwa ka seo hlogong ya taba yeo 3. Go se šupe bogolofadi bofe kap bofe ka ge se gantši se bonwa go ba leroga goba go šupa tlhaelelo, le gona go se šomiše polelo yeo e ka bonwago e thekga tlhagiso ya mohuta woo: bjk “semumu” goba “yo a sa kwego” di ka šomišwa, gomme, “motho yo a nago le bogole” go feta go šomiša “segole”. 4. Go šomiša polelo ya go se hlaole go ya ka bong, go efoga go kgopiša, goa go tšweletša taba ya gore dilo tše dingwe di tswalanywa le bong bo botee - ka go bušeletša seo.

### Tekolo: Mananeo

- Na e kaba tse di lego ka mo godimo ka moka di sa le maleba, na go nale mabaka mo go ka swanelwago go tsewe tsela yeo e sa thibelego goba ganetsago)
- Mabakeng a mantsinyana - go swana le ka go dipholisi tsa mabapi le dintwa le thobalano & lepono. tse di a tloswa ka go Molao wa Broadcast Complaints Commission of SA. Na tse di swanetse di tsenye ka pholising, mabakeng ao di tsenywago, se e ba molao ge go ka tswelela phetogo go molao mo lefokwana le le tswago gona.
- Na temana ye e maleba bjang go ditirelo tsa inthanete goba tse dingwe tsa go se be tsa setso?
- Mo karalong ye, gammogo le go Ditaba le Ditaba tsa Bjale, go nale boitlamo bja go fihlelela kemedi ya bong - le ge go le bjalo, go maitlamo a ga go mo go fwago tlhaloso ya gore se se tla fihlelelwā bjang.
- Bogolo bja karolo ye ya mananeo bo ka ga dikganetso - na go ka ba le tsinkelo ye kgolo go seo se ka dirwago le gore se ka dirwa bjang?

## Dipholisi tša bjale: Ditaba

P: Na GCEO o na le taolo godimo ga ditaba le mananeo

Mošomo wa Morulaganyi Mogolo ke o mongwe wa mešomo ye megolo yeo e swarwago ke GCEO gomme ga wa swanelwa go hlakahlakantšwa le mešomo ya Dihlogo tša Radio, Thelebišene, Ditaba, Dipapadi le Thutot goba wa hlakahlakanywa le wa barulaganyi le Balaodi ba Dikanale le Settisi bao ba thwetšwego ke SABC. Mošomo wa GCEO ga se go tšeа diphetho tša letšatši-le-letšatši tša mananeo goba tša phaphoši ya ditaba. Le ge go le bjalo, Boto ya SABC ke yona e ntšhago maikarabelo gomme GCEO ya ba yena a rwalago maikarabelo a mešomo ka moka ya ditaba le mananeo a mangwe le kgašo tšeо di dirwago go radio ya SABC, thelebišene, inthanete le ditirelo tše dingwe.

### Tekolo: Ditaba

- Na e kaba tse di lego ka mo godimo ka moka (le ditemana tse dingwe) di sa le maleba, le gona go swanetswe go dirwe diphethogo kae?
- SABC ke kgale e latofatswa go ba mobega dikgang yo a tseago lehlakore: na go na le dilo tse itsego tsa dipholisi tseo di ka somiswago go rarolla se?
- Ge go lebeletswe ditatofatso tsa ka fao SABC e ipegago ka gona le gore ke kgale e setswe morago ke ditaba tsa go se hlake gabotse. na Dipholisi tsa Borulaganyi di ka dirwa bjang gore basomedi ba yona ba maatlafatswe go ka bega ditaba ka bottalo le ka mo go lokilego?

## Dipholisi tša bjale: Polelo

P: Na boikgafo bja SABC ke bo fe mabapi le kgašo ya go šomiša maleme ka moka

Maineelo magolo ke go:

- Ke go aba molokoloko wa mananeo ao a fapanego, a maemo a godimo ka maleme ka moka a semmušo a 11 go kgabaganya le dipotofolio tša rena tša radio le thelebišene le gona go leka go bontšha dinyakwa tša leleme le lengwe le lengwe mananeong a rena
- Go boloka ditirelo tšeо di hlakilego le go aroganya ditirelo tša radio ka maleme a semmušo a 11. Go swara maleme ka moka a semmušo ka go lekana ditirelong tša rena tša thelebišene
- Go tsenya gare polelo ya dika

(ya dimumu le difoa) ya Afrika Borwa e le mokgwa wa go kgontsha batho bao ba nago le mathata a go kwa gore le bona ba kgone go latela mananeo. • Go phegelela go tsenya gare maleme a mangwe ao a sego a semmušo eupša a bolelwa ka Afrika Borwa, go lebeletšwe kudu maleme a MaKhoi, Manama le a Masan.

### P: Na maemo a ren a go maleme ao a sego a semmušo le polelo ya dika ke afe?

SABC e ikana go aba mananeo a khwalithi a radio ka maleme ao a sego a semmušo a Afrika Borwa, kudukudu a MaKhoi, Manama le a Masan.

SABC e tšwela pele go katološa mananeo a yona ao a saenetšwego, go thoma ka ditaba tše di kgethilewego le ditaba tša bjale, gammogo le ditiragalo tše di lego bohlokwa setšhabeng. Go dirwa maitekelo ao a ikgethilego go aba phetolelo ya Polelo ya Dika ge mananeo a begwa pele ga babogi.

### P: Na go ra eng ge gothwe "

#### "Tšhomiso ya maleme ka go se hlaole" e ra go reng?

Lereo le, tekatekano, le ra gore tok a tshwanelo - e sego gore tšhomiso ka go lekana.

Mabapi le se, SABC e ikemišeditše go gaša leleme le lengwe le lengwe la semmušo thelebišeneng, gomme e tišeletša gore mananeo a yona a kgona go fihlelwa ke babogi ba bantši ka mo go kgonegago. Re ikemešeditše go tlaleletša tirelo ya ren a thelebišene ya setšhaba ka go aba ditirelo tša selete go ya le ka fao go nyakwago ke Molao wa Kgašo (bjalo ka ge o fetotšwe) go sa ntše go emetšwe laesense ya ditirelo tše go tšwa go ICASA le yona kabo ya ditšelete ka Palamente, go lebeletšwe lebaka le. Go se hlaole go ka fihlelwa ka mekgwa ye e tswakilwego, go akaretšwa le ditšweletšo tša leleme le tee le mananeo a maleme a mantši. Re swanetše re katanele go hlohlomiša tšhomiso ya theknolotši go swana le go fa dingwalathhaloši ka fase ga diswantšho tša thelebišene (subtitling) go kgonthiša gore mananeo a fihlelwa ke batho ba bantši ka mo go ka kgonegago. Ka mabaka a mangwe, tebo ye e fihlelwa gabotse ka go gaša ka maleme ao a tswalanago goba ao a kwešišwago ke batho ba bantši. Ge se se dirwa, SABC e šomiša maleme a ka go šielana ka go dihlopha dife kapa dife tša ditswalano gore go kgone go fihlelwa tekatekano.

**P: Na tsela ya rena go kgašo ya maleme a mantši ke efe?**

SABC e tloga e lemoga karolo yeo mananeo a maleme a mantši a ka e bapalago ka go tšwetša pele tsebo le kwešišo ya maleme le ditšo tša go fapano tša naga. Mananeo a mohuta o, ge a ka šomišwa ka botswere, a kgona go fihlelela batheeletši/babogi ba bantši. Mabapi le se, SABC e hloholetša ka mafolofolo, tšweletšo ya mananeo a maleme a mantši ao a kwagalago bjalo ka tsela ya ya go fihlelela ditebo tša yona tša kgašo ya maleme. Mananeo a malementši ke ao a akaretšago bontši bja maleme a go feta le tee la maleme a semmušo.

**P: Na ke maleme afe a Afrika Borwa ao a lemogwago go ba ao a hlokonomologilwego go feta a mangwe?**

Xitsonga, Tshivenda, Siswati le isiNdebele ke wona maleme ao a lemogwago go ba ao a hlokonomologilwego go feta a mangwe, gomme go na le maikarabelo ao a okeditšwego go mafelo a go swana le SABC go ka rarolla tlhokomologo ye.

**P: Na ke mabaka afe ao a hlokonomwago ge go tšewa sephetho sa gore leleme le lengwe le le lengwe le fiwa nako ye kaakang thelebišeneng?**

Ge go rerwa kabo ya nako go leleme le lengwe le le lengwe SABC e ela hloko tše di latelago:

- Nomoro ya baboledi ba polelo ya letswele mo kanale yeo e gašwago gona.
- Kabo ya tikologo ya leleme leo
- Ka fao maloko a baboledi ba leleme leo a kgonago go kwešiša maleme a mangwe.
- Bogolo bja tlhokomologo ya leleme leo.
- Ka fao leleme leo le kwešišwago ke maAfrika Borwa a mangwe.
- Methopo yeo e lego gona.

#### Tekolo: Polelo

- Na e kaba tse di lego ka mo godimo ka moka (le ditemana tse dingwe) di sa le maleba, le gona go swanetswe go dirwe diphetogo kae?
- Boikgafo bja go rarolla go se lekalekane ga maloba le ntlo le tlhokomologo ya kabo ya methopo di swanetse di hlokomele se, ga bo fete se: na dipholisi tsa borulaganyi di swanetse di akaretse boitlamo bja mohuta wo, gomme

ge di ka dira se. na di swanetse di hhalose ka botlalo gore go se lekalekane mo ga maloba go tla rarollwa bjang.

\*Na ke maemo afe ao SABC e swanetsego e a tseye ka tlhagelolo (evolution) ya leleme? Na go lokile go somisa leleme la sempara ka mananeong. goba SABC e swanetswe e mosireletsi wa tlhweko ya polelo?

- Na SABC e swanetse yona ka boyona go ba monggae wa polelo: e swanetse e dire eng go kala tlhweko ya leleme? Go na le maleme a lesometee (II) a semmuso ka Afrika Borwa. ao ka moka a nago le diphapano: na go somiswa sekala se fe go bona gore ke mmolelo ofe wo o hlwekilego?

## Dipholisi tša bjale: Kgašo ya selegae

P: Na ke mabaka/mafelo afe a mararo mo kgašo ya selegae e hhaloswago ke ICASA?

Dikhoutha tša lefase tša kgašo ya selegae go kanale ya thelebišene ye nngwe le ye nngwe. Tše di hhalosa gore phesente ya nako ya moyeng magareng ga 05:00 le 23:00 e swanetše e fiwe kgašo ya selegae. Dikhoutha tša lefase di bontšha pharologanyo magareng ga thelebišene ya setšhaba le ya papatšo • Dikhouta tša mokgwa wo itšeng. Tše di hhalosa gore ge kanale ya thelebišene e rwele mohuta wo itšego wa lenaneo (go swana le terama), phesente ya mohuta woo wa lenaneo e swanetše e fiwe kgašo ya selegae. Ditšenre tše di hhalosa ka go ICASA molawana wa 3 gomme di akaretša tše tshela tše di latelago: terama, kago ya tsebo yeo e sego ya semmušo, tuto ya banq, taodišo le ditaba tša bjale. Go lebaka lengwe le lengwe go hhaloswa phesente ye nnyane. Dikhoutha tše di pharologantša gape magareng ga thelebišeme ya setšhaba le ya papatšo. • Dikhouta tša tšweletšo ya go ikema. Mo go hhaloswa gore phesente ya palomoka ya kgašo ya selegae yeo e tšweleditšego moyeng e swanetše e fiwe ditšweletšo tša thelebišene tše di ikemega. Dikhouta tše ga di tšweletše phapano magareng ga ditirelo tša setšhaba le tša papatšo. Dikhouta tše ka moka di hhalositšwe ka go melawana yeo e kago lekolwa ke ICASA mengwageng ye mengwe le ye mengwe ye meraro.

## Tekolo: Kgašo ya selegae

Na e kaba tse di lego ka mo godimo ka moka (le ditemana tse dingwe) di sa le maleba. le gona go swanetswe go dirwe diphetogo kae?

- Dipholisi di tlama SABC go tsweleletsa kgaso ya seAfrika: Na re sogana bjang le se?
- Na SABC e na le maikarabelo a kgaso ya selegae ntle ga ditirelo tseo di nago le dilaesense - ge go le bjalo. a tse di swanetsi di bontshwe ka go Dipholisi tsa Borulagany?
- Kua godimo mo tokomaneng. go boletswe ka ga taolo ya maleba ya molokoloko wa mohola wa kgaso gore go kgone go tsweletswa taelelo ya kgaso ya setshaba bjalo ka bothata bjo bo swanelwago ke go rarollwa - se e ka ba lefelo la maleba go ka dira bjalo.

## Dipholisi tša bjale: Kgašo ya tša sedumedi

P: Na nako ya moyeng ya mananeo a sedumedi e fiwa bjang?

Kabong ya yona ya nako ya moyeng go dihlopha tša sedumedi, SABC e ikana go theo ya go dira ka go loka gomme e šomiša theo ye go hlohlomiša nako yeo e filwego sehlopha se sengwe le se sengwe. Dikabo tše di dirwa go ba tša mengwaga ye meraro, morago ga gore go rerišanwe le Panele ya Kgašo ya tša Sedumedi (Religious Broadcasting Panel) (RPB), gomme go hlokamelwa tše di latelaga:

- Data go phesente ya setshaba ka go sehlopha se sengwe le se sengwe sa bodumedi go ya le ka tshedimošo ya dipalopalo tše di lego gona tša bjale
- Tlhokego ya gore se sengwe le se sengwe sa didumedi tše dikgolo di iketle ka mananeo ao a kwagalago a hlago ya sedumedi se itšego.
- Tlhokego ya gore didumedi ka moka di hlagišwe mananeong a sedumedi
- Tlhokego ya gore go be le mananeo ao a lekanego a ditumelo tša go fapani.
- Tlhokego ya go rarolla go se lekalekane ga maloba kgašong ya tša sedumedi.

P: Ke ka lebaka la eng pholisi ya mananeo a sedumedi e sekametše kudu ka mo go sedumedi sa seAfrika?

Kgašo ya sedumedi e swanetsi e katanele goba ya kamano le gona ya maleba e be e bonišhe bonnete bja BoAfrika. Go ya le ka molekwana wa phošollo ya go hlokologa setšo sa maAfrika ka go phatlatalašo ya kgašo,

šedi e fiwa Sedumedi sa seAfrika le ditšo tša setšo.

### Tekolo: Kgašo ya tša Sedumedi

- Na e kaba tse di lego ka mo godimo ka moka (le ditemana tse dingwe) di sa le maleba. le gona go swanetswe go dirwe diphetogo kae?
- Dipholisi tsa tsa sedumedi di beile taolo ya dikakanyo (meditation) tsa borulaganyi ka ntle gaSABC. Pholisi gape e dumelela gore go hlohlomiswe Panele ya Kgaso ya tsa Bodumedi yeo e tlago go fa Boto pego. go hhalosa kabo ya nako go dihlopha tsa go fapano tsa sedumedi le gona go rerisana le dihlopha tsa badumedi. Bobedi tse, di tliswa ke phediso ya taolo ya borulaganyi yeo gabjale e beilwego ka gare ga SABC. gomme e swanetse e rarollwe.
- Ntlha ye bohlokwa yeo e ileo ya tswelela mabapi le Kgaso ya tsa Bodumedi ebole ge eba dikgodiso tseo di dirilwego go dikologa bohlokwa bja kgaso go ya le ka dikgahlegelo tsa mafapha e be ele tsa maleba.
- Na tlhaolo ya didumedi tse dikgolo e sa le maleba: le gona gore na ka dinako tse dingwe dipaphano tse dikgolo di laolwa bjang ka mo didumeding tsa go swana le. Shi'ite & Sunni. Orthodox & Pentecostal?
- Dikgaso tse di lefeletswego di ile tsa bonwa bjalo ka dihlobaboroko ka go kgaso ya setshaba ya tsa sedumedi. eupsa Dipholisi tsa Borulaganyi di dumela se - na se se maleba?

### Dipholisi tša bjale: Thuto

P: Na ke mafapha afe a tselelago ao ka gona SABC e abago mananeo a thuto go ditirelo tša yona ka moka?

SABC e hlaotše mafapha ao a latelago a thuto:

- Tšweletšopele ya ka Pela ya Bana.
- Bana bao ba lego gae
- Thuto ya semmušo
- Tšweletšopele ya Bafsa
- Tšweletšopele ya Batho ba bagolo le Methopo ya Bomotho
- Thuto ya Setšhaba

P: Na ke maemo afe ao a fiwago dinyakwa tša thuto?

SABC e netefatša gore mananeo a yona a rarolla go se lekalekane ka go kabo ya thuto ya maloba, kudukudu, eupša e sego fela, ao a theilwego godimo ga morafe, bong le bogolofadi. SABC e tswalanya kgašo ya yona

ya thuto go dinyakwa le dihloko tša setšhaba, le gona go thekga phihlelelo ya thuto ya dipolo, ya bophelo ka moka le maitemogelo a tša bophelo.

P: Na mananeo a SABC a thuto a itlama ka thuto ya semmušo goba ya go se be ya semmušo goba tšona ka bobedi?

SABC e ikana go aba mananeo a thuto ao a mpshafaditšwego a khwalithi ya godimo go ditirelo ka moka tša radion le thelebišene, maikemišetšo e le go fihlelela dinyakwa tša go ithuta tša go fapano tša ya semolao le ya go se be ya semolao ya babogi/batheeletši ba rena ka moka go akaretišwa le bana, bafsa le batho ba bagolo.

### Tekolo: Mananeo a Thuto

- Na e kaba tse di lego ka mo godimo ka moka (le ditemana tse dingwe) di sa le maleba, le gona go swanetswe go dirwe diphetogo kae?
- Thuto ke yona karolo e le tee e ya Dipholisi yeo e somago kudu ka mananeo a bana. Le ge go le bjalo. Tlhamo ya Reithia ya go tlosa bodutu e diretswe le bafsa - nnete gona ke gore kabo ye e swanetse e dirilwe dipholisi mo mananeong a go soma ka bana .

**Na nka hwetša kae khopi ya Dipholisi tša bjale tša Borulaganyi?**  
Go hwetša khopi ya Dipholisi tša bjale tša Borulaganyi hle etela [www.sabc.co.za/editorialpolicy](http://www.sabc.co.za/editorialpolicy)

**Na nka hwetša kae tshedimošo ye nngwe ka ga tekolo ya Dipholisi tša Borulaganyi?**  
Go hwetša tshedimošo ye nngwe emeilela [editorial@sabc.co.za](mailto:editorial@sabc.co.za) goba o lletše (011) 714 9111

**Na nka romela kae ditšhišinyo tša ka go Dipholisi tša Borulaganyi?**  
O ka romela ditšhišinyo tša gago ka mekgwa ye e latelago:  
Emeile: [editorial@sabc.co.za](mailto:editorial@sabc.co.za)  
Poso: Editorial Policies  
Private Bag X1  
Auckland Park  
2006

